

¡BOMBA!

La mujer es vulnerable ante acoso: esta dado. más Seguridad de Estado debe tener responsable



K'untzil

Jueves 6 de noviembre de 2025

CAMPECHE · YUCATÁN · QUINTANA ROO · AÑO 11 · NÚMERO 2601 · www.lajornadamaya.mx



Maanal 100 kimen wíinik yanchaj úuchik u jaats' tifón 'Kalmaegi' tu lu'umil Filipinas

Tu jo'olaj jaats'nak tifón Kalmaegi tu chuumukil Filipinase', k'uch tak 100 kimenob yanchaj tu yóok'olal. Je'el bix úuchik u bin u jats'ik u kaajil Cebú, beey úuchik xan u bin u chíikpajal ba'ax k'aasil tu beetaj te'el kaajo'. Ja'e' tu bulaj nojoch yéetel chichan kaajo'ob. Tu biinsaj tu yéetel kis buuts'o'ob, najo'ob yéetel tak nukuch máaben kuuch. Máax beetik u k'a'aytajilo'ob

Cebú, Rhon Ramose', tu ya'alaj ti' pikil ju'une', béeychaj u ch'a'abal 35 u p'éel kíimen wíinkilalo'ob tu baantail Liloan, kaaj búul xan. Le beetike', tu kaajil Cebú, tu chukaj 76 kimenob. Tu petenil Negroe', yanchaj kex 12 kimenob yéetel uláak' 12 u túul saatal. Te'elo', u luuk'il k'áak' wíitse' tu bulaj kaaj ka tu mukaj najo'ob tu kaajil Canlaon, beey ts'a'abik k'ajóoltbil tumen jkanan kaaj Stephen Polinar.

Tu múuch' kajtalil Talisaye', láaj k'aschaj ba'al. AFPe' tu kaxtaj Regie Mallorca, máax yaan 26 u ja'abil. Tāan ka'ach u ka' líik'sik u taanaj ka'aj ila'abij. "Yaan u biinsik tiempo tumen mina'an ten taak'in", tu ya'alaj ka'alikil u xa'ak'tik cemento yéetel saam yóok'ol le ba'ax seen niikilo'. Tu bak'pachil u noj kaajil Cebúe' k'áax cháak jump'éeel k'iin antes u jaats le tifón Kalmaegio', ts'o'oke' yéetel u piimil 183

milímetros úuchik u báanal. Lelo' maanal ti' le beyka'aj suuk u k'áaxal ti' jump'éeel winal, tumen ku chukik chéen 131 milímetros, tu tsolaj xmeteoróloga Charmagne Varilla. Beey túuno', u jla'achil kaaj, Pamela Baricuatro tu ya'alaje' "mix juntéen uáax úuchik" ba'al beyo'. "Tāanili' kpa'atik k'a'amkach iik', ba'ale' (...) leti'e' ja' beetik u p'aatal kaaj ich sajbe'entsil", tu ya'alaj Baricuatro.